

Mañá, o salón de actos da Casa da Cultura de Verín acollerá, a partir das 16 horas, os obradoiros 'Introdución ao Coaching' e 'Estudo sobre a violencia na provincia de Ourense', enmarcados no curso 'Mediación e xestión de conflitos', organizado polo Centro Asociado da UNED en Ourense e o departamento de Educación Familiar do Concello de Verín -coa colaboración do CDR Portas Abertas-.

O primeiro obradoiro, 'Introdución ao Coaching', será a cargo de Elena Garrido Villarino -Escuela Europea de Líderes-, que amosará a partir dunha metodoloxía participativa e dinámica que é o Coaching e as súas posibilidades como instrumento ao servizo de desenvolvemento tanto de persoas, como de empresas e organizacións. Mentres que durante o segundo, Fernando Serrulla Rech, médico forense do Instituto de Medicina Legal de Galicia, presentará un estudo sobre a violencia na provincia de Ourense.

Na xornada do venres, 22 de marzo, desde ás 16.30 horas, tamén na Casa da Cultura terá lugar o relatorio 'Que é a mediación e como nos axuda a resolver os conflitos?', a nivel familiar, laboral, veciñal, asociativo', a cargo do mediador familiar Rogelio López Dacal, na que se amosará como actuar ante os conflitos, ben sexan escolares, familiares, veciñais ou laborais, entre outros. E ás 19 horas será a quenda para o grupo La Caja de Pandora que representará a actividade teatral de sensibilización 'Desconexión'.

O curso “Mediación e xestión de conflitos”, dirixido por Tiberio Feliz Murias da Facultade de Educación UNED e coordinado en Ourense por Miguel Guerra Rodríguez, conta con máis de 100 alumnos/as procedentes de toda a xeografía galega e norte de Portugal. Os obxectivo do mesmo, con prazas limitadas por orde de inscrición, son identificar e valorar os factores que inflúen na orixe, desenvolvemento e resolución do conflito; así como coñecer e valorar estratexias, técnicas e programas para a solución do conflito.

As restantes xornadas previstas no curso “Mediación e xestión de conflitos”son as seguintes:  
Venres, 05 de abril de 2013

- De 16 a 19.30 horas: obradoiro 'Crecemento en autoestima e comunicación familiar: coñécete a ti mesmo, créate a ti mesmo', presentada por Isabel Calle Santos, titora psicoloxía da UNED Ourense.

- De 19.30 a 21 horas: relatorio 'Bullying e mediación escolar', impartido por Plácido Blanco Bembibre, catedrático de Orientación Educativa no IES Carlos Casares de Viana do Bolo.

Sábado, 06 de abril de 2013

- De 11 a 13 horas: mesa redonda 'Os perigos dun mundo globalizado: Internet e as novas tics', moderada por Rafael Cid Fernández, director TVE en Galicia, e coa participación de Manuel Corredoira López, director xeral de Educación, Formación Profesional e Innovación; Maite Jiménez, directora do IES García Barbón de Verín y presidenta da Asociación de Directores/as de Galicia, María Lameiras, vicerrectora do Campus de Ourense e inspector de formación da

Comisaría de Policía Nacional de Ourense.

Xoves, 11 de abril de 2013

- De 20 a 22 horas: obradoiro 'Bullying, mediación e violencia en imaxes'. Debate dirixido Manuel Ayán de Cine Club Nosferatu-Verín, Tamara Balboa, traballadora social do CDR Portas Abertas, e Javier Cid, traballador social e coordinador de Servizos Sociais do Concello de Verín.

Xoves, 25 de abril de 2013

- De 20 a 22 horas: relatorio 'Educar dando o que necesitan', a cargo de José María Toro Alés, mestre de ensinanza primaria, actualmente en excedencia voluntaria e adicado a tarefas de formación de diversos colectivos, especialmente no ámbito da educación e da saúde.